

富順縣志

富順縣志卷之五

署知縣金壇段玉裁纂輯

鄉賢下

阮良選字勵明萬厯庚子舉人任常德府推官武陵民變掘楊宦塚良選論爲首者決餘人以次減上官駁飭良選力爭得免擢臨鞏兵備僉事致仕歸卒年八十後邑人有相遇西郊外者傳爲尸解云見三原秦所式撰墓誌

何士林萬厯辛丑進士厯湖廣叅政貴州按察司副使皆有建豎居家事親以孝稱於時

華毓萬曆辛丑進士天啟間以監軍道勦撫奢
賊有功擢僉事都御史巡撫廣西與鎮監有隙致仕歸卒
年七十餘祀鄉賢祠

王昌萬曆丙午舉人任貴州天柱縣有惠政去之日士民
肖像祀之事見貴州名宦志

方明棟萬曆丙午舉人歷廣東廉州知州貴州平越府同
知天啟三年監軍進討水西死於戰事聞贈按察司僉事
廕一子入監賜祭事見貴州通志

范鑛字我遠岷彙子萬曆己未進士任山陰上虞河陽縣

令以忤魏璫不得遷崇禎初擢戶部新餉司郎尋以邊才
舉口北道多所建樹口北舊有圍頭八名歲得鏹數百鑛
悉以佐軍輸補河北屯田副使擢貴州巡撫流寇擾亂命
總制黔中勦寇黔民戴之康熙元年貴州士民請入名宦
子琚璐康熙壬子同榜孝廉祀鄉賢祠

李鎧撰大司

馬范公神道碑

范先生鑛字我遠萬厯已未進士洛源世家也天啟

時有忤魏璫之言被逐識者重之而懼禍者且為之諱
非君子愛人以德意也而好名者且忌而不傳非聖人
與人為善意也使無人識之公歿而其事已杳然人性
無私嶽瀆常存必無無人識之之事也迨為口北使者
馭軍有方立志在不取故無敢阻其所欲行而公功以
集上賜兵符重所寄也故事道有圍戶歲得鏹三百及

俸若干皆應得而不害於廉者一以歸於朝方黷貨之
 習相沿已久維挽之在公所裨匪細而以矯目之者非
 也罷歸逾時起河北屯陝西副使賊自成陷晉公不屈
 奉身南來時滇南為土官沙定州暨孫可望相繼摧殘
 公以人望撫黔禦寇扼東遯而不利而真卿力盡矣然
 猶陰連粵師策圖興復積十年賊始滅公將詣滇以疾
 未果尋卒志弗克遂悲矣朝廷任公最晚使假鉞於滇
 池盜弄之先金甌未墜之日必有所建以繫苞桑公今
 歿數十年日未之瞑也誰求其佚事而闡其孤忠乃遇
 隱君子者言公事甚詳故樂而書之以致二孝廉再訂
 於名公鉅卿可以勒諸石二孝廉公之子也
 廉公之子也一名琚一名璐

郭時亮慶年子萬歷乙卯舉人歷貴州平安道叅政性恬

淡一介不苟涖任一以清靜為治士民安之會郎岱生夷

蠢動時亮親往開誠撫諭遂寢其謀事見貴州通志

劉之柱字鼎字用中孫萬厯丙辰進士任戶部主事厯廣東道副所至不以才名顯去後人常頌之

熊師旦字于侯遲之孫萬厯丙辰進士博洽經史尤工古文官至督學所著有晉言全刻

聶紹昌字元玉萬厯丁未進士家居時嘗設館黔中歲暮歸過赤水衛見路旁父女二人相持慟哭詢之云負官錢鬻女以償紹昌以館資如數與之厯官巡按陝西以清直著祀鄉賢祠子一心格心舉於鄉一心厯山西汾陽道

唐登儁字均州萬厯丙辰進士任高涇縣令陞主事厯河

富州縣志 卷五
南湖廣道叅政山陝驛道在甘肅時疫起死者枕籍登僑
悉捐棺收掩之衆共建祠以祀祀本邑鄉賢祠孫武清有
高節知章康熙壬子孝廉

劉象瑤字君岫萬厯乙卯舉人厯官口北兵備副使初爲
宕渠教諭母病徒步數百里趨歸母終哀毀骨立家人嘗
設筵集客見孟底盛蔬覆以肉象瑤見而恚曰一事假何
事不可假速命易之平居不欺類此

楊世賞字菊存一字懋軒承棟子萬厯壬子中順天鄉試
厯任貴州按察司副使都清道駐劄都勻府開府監軍提

兵征水西親履山險擒酋長何中尉宋萬化奉詔爲西征
首功著有黔籌黔案二集祀鄉賢祠

熊江字雲邨迥之孫萬厯己未進士厯任山東濟南監軍
道任事精勤卒於行間懷宗詔贈太僕寺少卿勅詞畧云
爾原任山東監軍道熊江才足匡襄忠齊夷險自雷封著
績卽高程士之衡迨水部含香彌凜當官之操譽隆典禮
寵擢叅藩乃窮伍脫巾變生倉卒而治兵需餉計棘輸將
爾能奮勵直前抱丹心之激烈拮据以濟畫赤手於方員
至力竭夙宵神飛烽燧捐軀王事遽摧楨幹之才追晉罔

富川縣志卷五
卿特予槐階之秩祀鄉賢祠

曾傳吾萬厯間爲江西東鄉令有善政見艾千子文集

段玉裁曰天傭子稱予十數年於東鄉令君得二人焉

一爲富順傳吾曾公其爲政也簡易近民寬里胥蠲鍰
矢吏不擾民民不畏吏及其晉秩瓊海以五載爲吏而
不能具千里之糧天傭子之言固可信今而傳後者也
則未知傳吾者其名歟抑其字歟文獻無徵湮沒而不
傳者可勝道哉

考曾遇萬厯戊子舉人
歷任廣東廉州府同知

聶繩昌天啟辛酉舉人奢崇明叛與王履亨毀家募義勇

戰死同董盡倫翁登彥李忠臣高光胡縝吳長齡胡一夔
等事見明史祀忠義祠

王履亨天啟辛酉舉人奢崇明叛與聶繩昌毀家募兵督
義勇於東廂龔家灣禦賊力戰死見明史忠義傳

楊其光字錦步天啟丁卯舉人任宛平縣令有政譽擢兵
部主事李自成破京都不屈遇害後宏光蔭卹

董我前天啟丁卯舉人任衡山縣令崇禎十六年八月獻
賊陷衡州巡按王聚奎李乾德及監司以下皆遁士民奔
竄賊至衡山失守我前與教諭分宜彭允中皆殉城死事

見明史

宋世第字雲仍貢生天啟辛酉奢崇明叛世第寓建武賊將至時安邊郡丞出署他邑篆本所千戶知廳帑尙貯銀數千兩欲借以給兵爲守城計守者難之世第矯邊城檄發帑金給兵食城乃獲全丞歸嘉其績聞於撫軍朱爕元爕元歎賞馳書徵至軍門贊畫機務後仕雲南彌勒州牧多惠政丁內艱歸卒年七十八

阮振中字紹一良選子天啟辛酉舉人任壽昌縣令剖疑獄創修城垣擒龍寇以廉能舉卓異壽昌人祠祀之擢江

西道御史奏免潮州欠絹差視河東乞終養歸杜門不出
弟捷中掄中俱歿難

余敬恆字崑五天啟辛酉副榜官至寧州守多惠政著有
地理心法寧州政畧

楊世則字準軒廩生與熊江唐登儁熊師旦范鈞范鑛等
講學東山後江等俱成進士獨世則以諸生終時稱東山
六子

陳盟字無盟萬厯壬子舉人初任新安教諭登天啟壬戌
進士選翰林庶吉士厯檢討至司業典試南畿罷寓居金

陵以文學風雅名於時卒年七十八著有三朝紀畧雪齋
詩集

喜至懷德鎮詩神霄關下放仙班刷羽驚還白塔灣酒
媿樂巴澆劫火錢無于頓買巢山恆河已爲東風皺短
竹先拚錦袖班惟有虎頭依舊好笑人寂寂度邛關

暮秋出湧金訪友風日湖光景色舒平瀾彌望水天虛
沿城草路經霜滑隔岸楓林度葉疎落日斷虹孤塔外
晚霞歸鶴敞亭墟感時有客歌禾黍長憶扶筇過市廬

贈馬景胸游橋李兼寄訊史筆山太守詩筵間何幸

挹芝光溟浪萍踪共渺茫臭味自因蘭蕙合襟期詎肯
腎肝藏寔愁握手無知己願到當途念老狂爲寄淮南
汲長孺邇來詩思在河梁

感兵燹脫鞞野藝惱人肝

爛錦蹂爲焦葉乾屋瓦羣飛作鬼嘯壁魚爭出舞灰寒
衣冠半已銷兵劫繡鬢橫來點漢官信是虎符仍鄭重
無令狂狷廢虞干

自注邑爲蘭首所
毀蓋起於徵發云

周麟字瀛仙天啟甲子解元湖廣會同縣令有才名所學
淹博值寇亂上陳禦寇諸策畧俱中機宜當事不用發憤

卒

崇禎元年還自都門作

昔為童子戲日中無眾穉角逐

省染頰雲煙墜當日衿紳見訝為天廟器稱我夙慧奇

胸等黃中記著年二十餘方翮錦江轡著鞭向燕都射

策兩遭躓悠悠懷古今圖史盈天地雖受羸政餓尚同

華岱積我于惠子車猶未窺一二中原鍾玉馬含奇在

幽邃豈無把臂心結慕未相值龍蛇蚪蚪文遷馬難盡

誌予徒盡日唵未辨子雲字驅車指蜀雲拊心良自媿

長安多卿相紛紛結高駟文籍張君房空驕紫微位誰

探二酉藏玉堂何雲萃以茲深感嘆莫制英雄淚問天

度修己美應備夙夜悔前疎征邁將攸寄所期在

華日親脂粉膩柳條鶯語慵廢書貪曉睡復虞聲價重

易為眾所比避羣思不遠慎已日加志趣孤用易忌道

貴俗難累名勢竟速朽詞翰永無毀長存捧漢心非覬穹昊賜

同姚子緯泛舟湘陰

秦淮葱鬱

古皇城匹馬能驅洽大雄從地設鳳凰臺著屬

天生端揆秉國承三錫大將登壇奉九征搖嶽皆驚轟
震鼓絳霄遍駭滿霓旌閩中赫濯光如射湘上離騷恨
已平研映翠華新動影山靈草木竟無兵啣杯選韻人
雙壁盪漿乘流月二更誓報兩朝文武烈神奇八陣古
今名去年一葉波濤靜此日千官舞蹈盈行草白麻權
應制坐持黃鼎快調羹汾陽已自興唐祚諸葛何曾復
漢京端識金甌專有卜懸知錢券定申盟舍香劍履星
辰近垂珮雲霄江漢清主聖臣賢褒作願無疆豈更問
長庚

對嶽麓飲

醞出春山染碧泉金童掌上露初鮮風雄浪
起堆山雪雨氣連天織樹煙猶有當年三策

筆能爲此日十洲仙牡丹花
嫋長生秘莫頽芳姿祇自憐

署中春晚

春盡南天景寂寥思鄉還共楚雲遙林花著
雨香猶在堤柳無風絮自飄水國獨慙臨縣

邑煙村爭合負漁樵青梅時
節鶯聲老旦逐餘芳殢酒瓢